

2101

P O L E M I C I.

2102

qui astronomiam ignorant ne aliquis mittat se in manus illius &c.

XI. fol. 150. Schemata picturata *Eclipsium Solarium et Lunarium* ab Anno 1424. ad Annum 1462. subjectis earum Mensibus, Diebus, Dierum Horis et Duratione, quae parum variant a *Chronologia Eclipsium* exhibita in *Art de verifier les Dates* &c.

DLII.

563 Codex chartaceus lat. Sec. XV. Folior. 221: 4. probe scriptus, et rubricis distinctus continet, ut notatum coeva manu in Operculo, *Diuersos tractatus Magistri Matthiae Parisien.* de quo Viro *Bobemo* diximus ad *Cod. CCXVI.* et alias. *Tractatus prioris*, de quo *Cod. CCCCXXXV.* Lectori detulimus arbitrium, an non *Job. Husso* potius tribuendus sit, Prooemium incipit: *Ecce ex deo et coram deo loquimur non quasi hominibus placentes sed deo &c.* In hoc Prooemio Institutum Operis sui ita declarat Autor: *Tenor autem et distinctio huius libri erit talis, nam continet 5. libros parciales quorum primus est principaliter de communicatione in dei ecclesia corporis et sanguinis domini nostri ihesu christi in sacramento, similiter et de distinctione spirituum principaliter in doctoribus et in prophetis, illic enim principaliter et solum illum primum intendebam sub breuitate scripsisse, debinc pius ihesus mibi dilatauit, et apperrens hostium me*
Denis Codd. Theol. V. I. P. II.

repleuit suis copiis ut duos libros post puta secundum et tercium scripserim de iudicio et discretione verorum et falsorum christiano-rum et primum pseudo prophetarum et doctorum, et debinc alios duos libros. s. quartum et quintum solum et simpliciter de communicatione in christi ihesu ecclesia defici et supertremendi veri corporis et sanguinis ihesu christi. Et intitulaui istum librum regularum aut de regulis veteris et noui testamenti &c. quo titulo etiam in *Bibl. Capituli Metrop. Prag.* Exemplar extat. Pergit vero Autor opus suum ulterius in *Regulas et Distinctiones* partiri. Digna porro lectu sunt, quae de suo in Sacras Literas, quibus unice se inniti profitetur, incredibili amore praefatur. Prooemio subnexus est *Rerum Index* alphabeticus. Tum Opus ita inchoat: *Karissimi Nolite omni spiritui credere sed probate spiritus &c.* Per decursum in exaggerandis Cleri vitiis paene modum excedit. Communionem eucharisticam Fidelium etiam Laicorum quotidianam omnibus rationibus urget, eamque sub utraque Specie, de quo quidam dubitare vifi. Verum audiant *Noftrum fol. 28. p. 1.* *Ex hijs luculenter infertur primum, quod manducatio et potacio nostri huius sacrificij dulcissimi et pleni dei suauis spiritu debet esse communis et omnium et per consequens et plebeiorum et non tantum sacerdotum.* Unde si a *Matthia* potius, quam ab *Husso* stemus, inferri possit primum: credibile

dibile esse, quod ait *Lupacius* ad d. 16. *Julii*, Libros quosdam *M. Matthiae* promiscue cum *Wicleffianis Pragae* 1410. exustos fuisse; dein: *Petrum Dresdensem* et *Jacobum de Miza* non amplius *Communione Utraquisticae* autores esse dicendos. Extrema Operis nostri sunt: *et ut ecclesia sua esset unum sicut ipse et pater est unum*. Verum videat Lector observata ad *Cod. CCCCXXXV.* et, ut lubuerit, statuatur.

II. fol. 220. Brevis *Explanatio Orationis Dominicae*, quae infit: *Sciendum quod hec dominica oratio dicitur, quia dominus noster Iesus christus proprio suo ore benedicto composuit &c.* quamque ad eundem Autorem referre non dubito, qui non obstantibus relatis in *Prooemio supracit.* ait: *ista scripta et omnia mea humiliter et deuote subicio matri mee piissime Romane ecclesie &c.*

DLIII.

938 Codex chartaceus lat. Sec. XV. Folior. 253. 4. commode perscriptus et rubricis enotatus continet: I. *Tractatum*, ut in calce legitur, *de praxi Romane Curie*, qui in Elencho praeuio tribuitur *Magistro Matthaeo de Cracovia.* An non potius ad *Huffsum* referendus sit, suspicionem movi ad *Cod. CCCCXLII.* Mihi certum saltem est, injuria inscri-

bi *Matthaeo de Cracovia*, quamvis teste *Bern. Pezio Dissert. Isag. T. I. Thes. Anecd. p. 6.* etiam in *Codd.* aliis ejus nomen praeferat, et sub eo *Basileae* primum 1551. dein *T. II. Fasciculi Rer. expetend. &c. Edw. Brownii Londini* 1690. p. 584. f. impressus fuerit. *Matthaeus*, ut est apud *Trithemium de Scriptt. Eccl. n. 654.* pulsus *Praga* cum aliis *Teutonibus* ab *Huffitis* (male in *Fabricii Bibl. med. Lat. L. 12. et Huffitis*) *Ruperti* Imp. Cancellarius, *Episcopus Wormal.* et 1408. *Cardinalis Eccl. Rom.* factus est, ad quam dignitatem sane non pervenisset, si *Libelli* nostri fuisset autor. Si igitur hic *Huffi* partus non sit, ad *Matthiam* dictum *Parisiensem*, five *de Janow* referendus videtur, errore nominis *Matthaei* pro *Matthia* per *Codices* propagato, quod non insolens; hic enim *Matthias* a *Lupacio* in *Ephem. Rer. Boem.* ad 30. *Novemb.* et acerrimus impugnator corruptelarum et abusuum, et autor *Libri de Antichristo*, qui inter *Huffi* Opera editus est, fuisse fertur. Confule *Cod. CCCCXXXV.* et praeced. Initium porro *Tractatuli*, qui alias etiam *de Squallore Rom. Curiae* audit, est: *Moses sanctus et tanquam solitudinis amicus &c.* Ad calcem accedunt 7. *Versiculi* contra *Curiam* et:

Qui scripsit dicta, nomen ejus vocatur paliczka.